

DIT IS VAN DAT EDELE LANT VAN COCKAENGEN.

*Die neringhe is van menigerhande ,
Die men doet in allen lande
Om dat lijf mede t' ondraghen ;
Hoert wat ic u sal ghewaghen ,
5 Ic quam laeste in een lant
Daer ic vreemt was ende onbecant ;
Nu moechdi horen wonder groet
Wat Godt den luden daer gheboet.
In dat lant te wesen ende te sijn
10 Sonder arbeit ende sonder pijn ,
Dit wort den luden wel becant.
Sach yeman beter lant
Dan dat lant van Cockaengen ?
Die helft is beter dan al Spaengen ,
15 D'ander helft is beter dan Betouwen ,
Men heft wil van schone vrouwen.
Dit is 't lant van den heilighen gheest
Wie daer lanck slaept die wint meest ;
Daer en darf nyemant doen werck*

- 20 *Out, ionc, cranc of sterck.*
Daer en mach nyemant yet geborsten;
Die wanden sijn daer gemaect van worsten,
Daer sijn die veynsteren ende doren
Gemaect van salmen ende van storen;
- 25 *Die tafelborden sijn struven in pannen,*
Va hier sijn gemaect die kannen,
Die platelen. die in den huse sijn
Sijn van sijn guldijs;
Dat broet al schoen tarwijn,
- 30 *Alsoe claer als die sonenschijn;*
Die balken, die daer in den husen leggen
Sijn gemaect van boterweggen;
Haspelen, spinrocken ende al sulke dinghen
Sijn gebacken van crakelingen;
- 35 *Daer sijn die bancken ende stoelen*
Gebacken al van roffioelen;
Daer sijn di soldre plancken oeck
Gebacken van claren pepercoeck;
Die latten sijn palinghen gebraden,
- 40

-
- Och dat lant van Cockaengen is soe goet,*
Het reghent daer in allen hoecken
Vladen, pasteyen ende pannekoecken;
- 45 *In dat lant loept een ryvier*
Van goeden wijn van goeder bier,
Muscadel, ende oec clareyt,
Romeny, die men ontseit,
Die mach men drincken goeden cost;
- 50 *Wil men wijn of wil men most.*
Mit ghengever ende met muscaten
Sijn gemaect aldaer de straten;
Veel ghels is daer goet tijt,
Daer en draecht men haet noch nijt;

- 55 *Soe wat men daer in 't lant vint leggen ,
 Dat neemt men sonder wederseggen ,
 Ende doet daar mede sijn bedarve
 Rechts oft waer sijn eyghen arve.
 Het is daer altijd oft waer meye ;*
- 60 *Daer singt elc voghel sijnre teye
 Daer coemt in die maent vijf weken

*
- 65 *Ende doer dat lant loept een jordane .
 Die luden , die daer quamen
 Ende namen dat water in haer mont ,
 Die souden allen werden ionc ,
 Recht of sy waren van twintich jaren.*
- 70 *Dat segh ic u voer ware ,
 Daer sijn trompen ende schelmaien
 Daer sy op dansen ende op reien ,
 Ende driven vroechde sonder ghetal
 Ic hoep 't ewelic dinken sal*
- 75 *Soe wie dat daer coemt in Godes namen
 Die mach voer waer wel seggen amen.*